



Jumat, 25 September 2020

PILIPI 2:5-7



ERKORBAN BAN KELENG ATE



Edit with WPS Office



Bas tahun 2007 sekalak anak si mengalami gangguan mental reh maba pistol ku sekolah i daerah Virginia, Amerika Serikat. Rembang bas wari e kegiatan elajar paksana erdalan. Sekalak Profesor eme Dr. Livin Libreseu sadar maka anak e banci ncilakai murid-murid bas kelasna. Emaka itutupna pintu kelas rapat-rapat jenari cinder ia i pudu pintun e, gelah banci kiam murid-muridna arah jendela, sambil ia nahan anak ndai gelah ula masuk. Itembaki anak ndai pintun e, seh maka mate Dr. Livinalu, 5 luka tembak, 1 bas takalna. Tapi kerina muridna selamat. Em sada bentuk pengorbanen ban keleng ate si ilakoken professor ndai.

I bas renungenta wari enda Paulus nuriken kerna uga Jesus nadingken kemuliaNa, la ipertahankenNa kerna diri ras statusna selaku Anak Raja, nusur IA ku doni jadi suruh-suruhan. Patuh IA seh mate guna kepentingan kalak si deban, kalak si labo metanggung ras erdosa. Kepeken kiniteruken ukur ras perukuren Kristus Jesus ula min terjeng turi-turin si isuratken i bas Pustaka Si Badia tapi arus lit bas biak kalak singikutken IA. Kita kalak Kristen idilo guna nggeluh erkorban ras la ngukurken dirinta jine, kepate ras mediate man kalak sideban ras erbahan si mehuli man temanta manusia. Kesejatin kinitekenta adi nggo kita terbukti alu pengosongen diri. Pengosongen diri e maksudna labo terjeng sukarela la make kuasa ajaibNa ras nahan hak kinidibatanNa tapi alu terbuka ngaloken perbahanen la mehuli, kesalahpahaman, ngaloken kiniseran, segat ate jelma si nterem ras kematen si hina i dadas kayu persilang. Tapi bas sie kerina la lit sakit hatiNa, la IA erbalas pe. Keleng ateNa namburi kerina kekurangan ras dosa-dosanta. Bageme pe kita si pindo keleng ate Kristus jadi bas pusuhta, gelah uga pe perbahanen kalak banta la nuruti kita erbahan mehuli, jadi kalak mehuli bas kegeluhenta. I bas kecibal kegeluhenta jaman genduari enda, banci saja lanai piga kalak si nggit erkorban guna kalak si deban



Edit with WPS Office

Ula sisia-siaken pengorbanen Jesus guna kegeluhen enda



tapi kita si ngikutken Jesus arus mere dirinta i bas kerina si mehuli, ngurkuri ras ngelakoken kai pe guna kiniulin doni enda. Sabap guna si eme kita itebusiNa i bas kerina si la uli e nari.

